

VLADA FEDERACIJE BOSNE I HERCEGOVINE

360

Na osnovu člana 18. stav 1. alineja 3., člana 21. stav 1. člana 45. stav 1. Zakona o fondu za zaštitu okoliša Federacije BiH ("Službene novine Federacije BiH", broj 33/03), Vlada Federacije Bosne i Hercegovine, na 165. sjednici održanoj 9. marta 2011. godine, donosi

UREDBU

O POSEBNIM NAKNADAMA ZA OKOLIŠ KOJE SE PLAĆAJU PRI REGISTRACIJI MOTORNIH VOZILA

Član 1.

Ovom uredbom propisuju se jedinične naknade i korektivni koeficijenti za obračun posebne naknade za okoliš koja se plaća pri registraciji motornih vozila.

Član 2.

Jedinična naknada (No) za pojedine vrste vozila iznosi:

1) osobni automobili	15 KM,
2) autobusi	60 KM,
3) teretni automobili	90 KM,
4) kombinirani automobili	30 KM,
5) mopedi	6 KM,
6) motocikli	10 KM,
7) radni strojevi	25 KM,
8) radna vozila	30 KM,
9) traktori	10 KM.

Član 3.

(1) Posebna naknada se obračunava prema izrazu $PN = N_o \times K_k$, u kojem je:

N - iznos naknade u KM,

N_o - osnovna naknada za pojedinu vrstu vozila, (u daljnjem tekstu: jedinična naknada),

K_k - korektivni koeficijent ovisan o vrsti motora i pogonskoga goriva, zapremini ili snazi motora i starosti vozila,

(2) Korektivni koeficijent (K_k) za svako pojedino vozilo određuje se i izračunava prema izrazu:

$$K_k = K_1 \times K_2 \times K_3$$

u kojem je:

K_1 - korektivni koeficijent ovisan o vrsti motora i pogonskog goriva,

K_2 - korektivni koeficijent ovisan o zapremini motora,

K_3 - korektivni koeficijent ovisan o starosti vozila,

a dobiveni umnožak množi se s jediničnom naknadom za pojedinu vrstu vozila iz člana 2. ove uredbe.

Član 4.

Korektivni koeficijent (K_1) u zavisnosti od vrste motora i pogonskog goriva iznosi za:

1) otto motor dvotaktni (motorni benzin, plin)	2,0
2) otto motor četverotaktni (motorni benzin, plin)	1,0
3) rotacijski motor (motorni benzin, plin)	1,5
4) diesel motor (dizelsko gorivo, biodizel)	1,0
5) elektromotor (električna struja)	0,2
6) motor na pogon alternativnim gorivima (vodik, bioalkohol)	0,2.

Član 5.

Korektivni koeficijent (K_2) u zavisnosti od radnog obima motora iznosi za:

1) motor radnog obujma manjeg od 50 cm ³	0,80
2) motor radnog obujma od 51 do 250 cm ³	0,85
3) motor radnog obujma od 251 do 750 cm ³	0,90
4) motor radnog obujma od 751 do 1400 cm ³	0,95
5) motor radnog obujma od 1401 do 2000 cm ³	1,00
6) motor radnog obujma od 2001 do 4000 cm ³	1,20

7) motor radnog obujma od 4001 do 8000 cm ³	1,40
8) motor radnog obujma od 8001 do 12000 cm ³	1,60
9) motor radnog obujma od 12001 do 16000 cm ³	1,80
10) za motor radnog obujma većeg od 16001 cm ³	2,00.

Korektivni koeficijent (K_3) za vozila pokretana elektromotorom ili alternativnim pogonskim gorivima iznosi 1,00.

Član 6.

Korektivni koeficijent (K_3) u zavisnosti od starosti vozila iznosi za:

1) vozilo starosti od 0 do 5 godina	0,90
2) vozilo starosti od 6 do 8 godina	0,95
3) vozilo starosti od 9 do 10 godina	1,00
4) vozila starosti od 11 do 15 godina	1,10
5) vozila starosti od 16 do 20 godina	1,20
6) vozilo starosti od 21 do 30 godina	1,40
7) vozilo starosti iznad 30 godina	1,60
8) vozilo starosti iznad 30 godina ("oldtimer") uz potvrdu o povijesnoj vrijednosti vozila koju izdaje nadležno udruženje	0,10.

Član 7.

Obračun naknade vrši se na osnovu podataka o vozilu i obvezniku plaćanja upisanim u isprave vozila, odnosno knjižicu vozila ili saobraćajnu dozvolu.

Član 8.

Naknada se obračunava i plaća jednom godišnje prilikom registracije vozila i uplaćuje 30% na račun Fonda za zaštitu okoliša Federacije BiH i 70% kantonalnim fondovima za zaštitu okoliša (ukoliko su uspostavljeni), odnosno budžeta kantona.

Član 9.

Registracija vozila prema odredbama Zakona o osnovama sigurnosti saobraćaja na cestama u Bosni i Hercegovini ("Službeni glasnik BiH", br. 6/06, 75/06 i 44/07) i Pravilnika o registraciji vozila ("Službeni glasnik BiH", br. 22/07, 41/07 i 54/07) obavlja se nakon što je uplaćena naknada u skladu s ovom uredbom.

Dokaz da je plaćena naknada uslov je za pristupanje registraciji vozila.

Član 10.

Do isteka roka od dvije godine od dana stupanja na snagu ove uredbe obračunavat će se i naplaćivati samo jedinična naknada iz člana 2. ove uredbe.

Niže razine vlasti (općine, gradovi, županije/kantoni) su u roku od 6 mjeseci dužni uskladiti svoje akte s ovom uredbom.

Član 11.

Ova uredba stupa na snagu osmog dana od dana objavljivanja u "Službenim novinama Federacije BiH".

V. broj 267/11

9. marta 2011. godine
Sarajevo

Premijer
Mustafa Mujezinović, s. r.

Na osnovi članka 18. stavak 1. alineja 3., članka 21. stavak 1. članka 45. stavak 1. Zakona o fondu za zaštitu okoliša Federacije BiH ("Službene novine Federacije BiH", broj 33/03), Vlada Federacije Bosne i Hercegovine, na 165. sjednici održanoj 9. ožujka 2011. godine, donosi

UREDBU

O POSEBNIM NAKNADAMA ZA OKOLIŠ KOJE SE PLAĆAJU PRI REGISTRACIJI MOTORNIH VOZILA

Članak 1.

Ovom uredbom propisuju se jedinične naknade i korektivni koeficijenti za obračun posebne naknade za okoliš koja se plaća pri registraciji motornih vozila.